



— XXVIII —

UNTI-UNTI nang naghisingalo sa silangan ang mga huling sinag ng araw...

Mabilis na pumailanlang sa papawirin ang labintatlong kalapati. Sinalát ni Abá ang kanyang kuwintás at ang palawit nito'y pinaglaruan ng kanyang mga daliri, saka marahang ibinulong: "Ibig kong maging isáng malaking ibon."

At si Abá'y naging malaking ibon, na kahawig na kahawig ni Pakpák. Lumipád siyang kasunod ng labintatlong kalapati. Lumagáy siyá sa layong limampung dipá sa likuran ng pangkát niná Magandá. Nang malapit na malapit nang kumagát ang dilim ay sumigáw si Magandá:

—Tumigil ka, kung di mo ibig na masawi!

At si Abá namá'y pabulusok na

Nakarating Na Si Aba Sa Pintuan Ng Yungib Ng Higganteng Si Sinukuan At Sa Pamamagitan Ng Bilis At Talino Ay Nakapasok Siya Roon

bumaba sa lupa. Natanáw ng binata ng Banabá ang pagpasok ng pangkát niná Magandá sa mahiwagang pintuan ng yungib ni Sinukuan. Isá-isáng nawala ang mga kalapati sa mga gulod ng bundok, na wari'y kinákain ng laho. Matagál na sandaling natubigan ang baguntau. Laganap na noon ang kadiliman. Hinanap ng mga matá ni Abá ang batobalaning may hugis matá na inihimatong sa kanyá ni Magandá, na siyá ymanong nag-iingat ng agimat ng matibay na pintuan ng yungib ni Sinukuan. Dahil sa malabis na kadiliman ay hindi niyá maaninag man lamang ang sinásabing batobalani.

Hinintáy ni Abáng sumikat ang buwán, na namámanaag na noon sa bunton ng mga ulap. Waláng anu-anc'y nagsabog na ng kanyang pinilakang buhok ang marilág na sultana ng langit. Isáng nakasisilaw na bagay ang



Isáng palase ang inilagáy sa turulán at sinipat ang batobalaning ang tuningning ay nakasisilaw.

nahanungán ng masid ni Abá, na waláng iniwan sa munting salaming tinátamaán ng kungingning ng araw.

—Ito na marahil ang batobalancing sinásabi ni Magandá—ang nábulong sa sarili ng baguntao.

Matagál na tinitigan ang batobalancing nasa gulod ng bundok ng Arayat. Halos hindi makatagál ang kanyáng mga matá sa pagtitig sa tila matáng batobalani. Nasilaw ang kanyáng mga paningin.

Inihanda ni Abá ang kanyáng busog. Humugot ng isáng palaso sa kanyáng kaluban. Ibininit sa bagting at saka hinigit ito at sinipat nang buong igi ang batobalancing gága-matá lamang ng isáng tao.

Hindi nakuhang paigkasin ni Abá ang kanyáng palaso. Pano'y nag-alinlangan ang kanyáng mga matá. Ang malabis na pagkasilaw ay siyang nakapigil sa kanyáng ibig na gawin. Iláng sandaling ikinuráp-kuráp ang kanyáng mga paninging nagwawating-wating noon.

Humingá nang bahagya ang baguntao. Nágunita niyá ang naging-isdáng si Ban. Kailangan niyang iligtás ito. Nálalaman niyang ang tanging paraán upáng mapanumbalik si Ban sa pagiging tao'y nasa mga palad lamang ng makapangyarihang si Sinukuan. Nágunita niyá ang pangakong binitiwan sa kanyáng kapatid, na: "Magbabalik ako rito upáng mapanumbalik ka sa rati." Muling itinaás ni Abá ang kanyáng pana. Hinigit ang bagting at sinipat sa turulán ang ga-matáng batobalani. Sa sangkispá-matá'y nákitá na lamang na humaginit ang kanyáng palaso. Dinurog ng matalim at matigás na dulo ng palaso ang batobalani. Isáng malakás na putok ang nag-umugong sa katahimikan ng gabl. May nálikháng lagabláb na ang dila'y halos umabot sa langit. Naramdamán ni Abáng nayanig ang lupang kanyáng tinutuntungán. Gayunmá'y hindi man lamang siyá sinagilahan ng pangambá at pagkatakot. Waláng anu-ano'y napawi ang malaking lagabláb. Isá nauáng dagundong ang kanyáng nárinig na waláng iniwan sa isáng malaking gulong ng karitong nagdaraán sa kabatuhán. Nátanaw niyang ang gulod ng bundok ng Arayat ay may munting guwáng na maliwanag, na lumálaki nang lumálaki.

Dahan-dahang lumapit si Abá na halos pigil ang paghingá. Nguni't bigla siyang nápako sa tayo nang marinig niyá ang isáng malaking tinig na bumati sa kanya:

—Sino kang pangahás na nagburkás sa matibay na pintuan ng Arayat?

Sa pasimulá'y hindi sumagot si Abá. Waláng ginawa ito kundi pagalain ang kanyáng mga matá. Nákitá niyá ang dalawang bagay na nagbabaga na ga-suntok halos ng lalaki. Sinapantaha ni-

yáng mga matá ng isáng malaking higante ang nákitá.

—Sino ka?—ang ulit ng malakás na tinig.—Bakit hindi ka sumagot?

—Ako'y anak ni Luyong, na nagpasuko sa kilabot na higanteng si Gumpáy ng Siyera Madre—ang waláng kagatul-gatul na tugon ng binata.—Naparito ako upáng makipagkita kay Sinukuan.

—Hindi pa ipinanganganák ang nilikháng maáring makipagkita sa kanyá—ang sagot ng tinig.—Lumapit ka rito upáng makilala ko ang iyong pagkatao. Hindi kitá nákitá.

Pasubok na lumapit si Abá.

Ang totoo'y hindi siyá námamalas ng higanteng tanod sa pinto ng Arayat.

—Nárito na ako ngayon sa iyong harap—ang wika ng binata.—Kilalanin mo akong mabuti.

Lumingas-lingas ang tanod ni Sinukuan. Hindi rin nákitá ng nagbabagang mga mata ng higante ang kalilitan ni Abá.

—Saán ka nároon?—ang bali-sáng wika ng higante.—Bakit hindi kitá mákita?

—Ha-ha-ha-ha-ha!!!—ang namutawi sa mga labi ng anak ni Luyong.—Bulág! Bulág!

Lalo nang nanlaki ang mga matá ng higante. Nayamot siyang gayon na lamang sa panu-

nudyo ng anak ni Luyong.

—Bakit hindi ka makiharáp sa aking tulad sa isáng tunay na lalaki?—ang pagalit na sabi ng higante.—Ang mga tunay na lalaki'y hindi nagtátago at nangunubli sa ibig niláng kaharapin.

Lalo lamang nápahalahák si Abá.

—Bulág! Bulág!—ang ulit ng binata.—Ano pa ang ibig mo? Gamitin mong mabuti ang iyong mga paningin. Isáng lalaki akong kaharap mo ngayon, na hindi nagtátago ni nangungubli.

Ibinaba ng higante ang kanyáng mga matáng nagháhanáp. Isáng munting nilikha ang bumu- (Nasa pah. 33 ang karugtong)

Kararating lamang mula sa Inglatera...

Pelapone-Ricardo

DIESEL-ENGINES

(mga Makinang Diesel)

ukol sa lahat ng

**PANGANGAILANGAN NG LAKAS (power)
MABIGAT NA PAGGAWA (Heavy duty) —
"FOUR CYCLES"**

Kasama sa mgá nangungunáng katangián:

Malinis, Maginhawa, Makabagong balangkás at madaling matutuháng mgá bagay tungkol sa mgá piyesang kumikilos.

Matibay, mabuting pagkakabagay-bagay ng pagkakagawá sa ilalim ng makabagong karunungan sa inhinyerya.


Mabigat na paggawa ng lahat ng kumikilos na piyesa at waláng mahihináng kasangkapán.

Maingát na pagkakalagay ng mgá Pánala, Piyesang Labasan o Pásukan (Nozzles) at iba pang mgá piyesang nangangailangan ng pánsin.

Tompák na pagkakatimbang upáng matiyák ang walang galaw na pagganap.

MGA MODELONG NASA AMIN NGAYON

N-61 4-6 HP., 1 Cylinder
N-51 8-13 HP., 1 Cylinder
N-52 16-24 HP., 2 Cylinders



Mga Tanging Tagapamahagi:

Gawa sa Inglatera

COSA CORPORATION

ngayon ay nasa
22 Escolta, Tel. 2-89-66

ANG SELOSA...

(Karugtong ng nasa pah. 29)

malay, kundi ang mahimok si Selina na bigyang laya si Martín upang makadalaw man lamang sa kanyang asawa at sa dalawang bunga ng kanyang tunay na pag-ibig.

—Kung sabagay, kumari—ang malamig na tugón ni aling Magda,—sa súliranin ng puso ng ating

ANG KAMBAL...

(Karugtong ng nasa pah. 12)

laga sa kanyang mga matá.

—Ha-ha-ha-ha-ha!—ang nárinig na halakhák na waláng ininwan sa kulog na nagmula sa maluwáng na bunganga ni Bantáy.

—Akala ko'y isáng lalaki kang kasinlaki ko. Isá ka paláng langám lamang. Paano mo nabuksán ang matibay na pinto ng Arayat?

—Kay-dami mong usisa—ang payamot na tugon ni Abá.—Ang sagutin mo sa aki'y kung saán maáring mákita si Sinukuan.

—Mahirap na mákita ang aming panginoon—sagot ng higante.—Hindi siyá nakikipag-usap sa basta tao lamang.

—Ano? Hináhamak mo ang aking pagkalalaki.

Humugot ng isáng palaso si Abá at ibininit sa bagting ng kanyang busog.

—Pápanain ko ang iyong matá kung di mo bábawin ang iyong sinabi, na may kináalaman sa pag-aglahi sa pagkatao ng anak ni Luyong.

Nagtawá lamang ang higante at noon di'y umambáng dakmain ang maliit na nilikháng kanyang kaharáp. Maliksing tumalilis si Abá at nagdaán sa pagitan ng mga binti ng higante.

Kung minsan ang kaliita'y isáng kalasag na nagagamit: ang kaliitan ni Abá sa kanyang kaharáp na higante ay siyang nagligtás sa kanyá sa tinangkáng pagsunggáb ng kalaban. Nang muling bumaling si Bantáy upang harapin ang maliit na kaluskos na nagawa ni Abá sa gawing likuran, ay isáng "aruy!" ang nátili ng higante. Paano'y pumako sa kanyang matáng kaliwa ang pinawaláng palaso ni Abá sa hawak na pana.

Mabilis na nagbinit na namán ang binata ng isá pang palaso sa kanyang pana, at...

—Ganáp kitáng bubulagin kung di ka manánahimik—ang wika ng binata.—Binuksan ko ang matibay na susi ng pinto ng Arayat sa bisa ng aking palaso at ngayon

(Nasa pah. 37 ang karugtong)

sulat ni Luisa't mabatid ang katothanan, tuloy napauupo sa kanilang silyang kawayang nasa tabi ng bintana, nanlulumo at kinalaro ng sarsaring guniguni.

Si Itsay at si Fred, sa kabilang dako'y sinungawan sa kanilang mga labi ng ngiti ng kasiyahan.

(WAKAS)

mga kapuwa ay di tayo maáring manghimasok. Bukód sa riyán ay di kaila sa ating dalawá na si Selina ay siyang unang nobya ni Martín. Ang pusong naiwanan ng isáng dalisay na pag-ibig ay náhahálintulad sa saláb na kahoy na sa bahagyáng init ay nagdiringas. Gayún pa man ay gágawin ko ang lahat kong magágawa. Hindi ko nálalaman ang kasalukuyang mga nangyayari. Bayaán mo't pagsásadyain ko si Selina, pangúngusapan ko't pangangaralan.

—Kung ang bagay na iyá'y magiging mabigát pará sa iyó, ituring mo kumari, na akó'y parang waláng násabing anó man.

—Amá, hindi!

—Anó kaya, sa palagáy mo, kung akó ang máunang magsadya sa kinároroonán ni Selina?

—Magsadyáng papaano...?

—Hindi sa anupamán!—ang patláng agád ni aling Gidáy,—ibig ko lamang siyang kausapin, hingán ng tulong, hingán ng awa... sapagká't pará sabihin ko sa iyó nang totoó, ang di pag-uwi ngayon ng bahay ni Martín ay magiging sanhi ng kamátayan ni Gundíng at ng pagkakasakit ng dalawang bata.

Ang huling nárinig ni aling Magda ay waring nakabagbág sa kanyang puso. Isáng asawa at dalawang anak! Di niyá nálalama'y may isá palá siyang ságuting nápakalubhá sa ginawa niyang pang-uudyók kay Selina upang ibilanggo nitó sa kanyang bisig ang asawa ng ngayó'y nakabilanggo na ngang si Martín.

—Ikaw ang bahala!—ang náwika ni aling Magda,—máuna ka at súsunód akó; kahimanawari'y mapapani-wala natin siyang masama ang kanyang ginágawa.

—Saán ba silá naninirahan ngayón?—náitanóng ni aling Gidáy.

Si aling Magda, na, nang mga sandaling yaó'y tila nakahandáng tumulong nga ng tothananang pagtulong sa kanyang kumari, ay di nagkait. Inahimatóng kay aling Gidáy ang poók at bahay na sa kasalukuya'y tinitirhan ngayón ni Martín at ni Selina.

Hindi málaman ni aling Gidáy kung papaano niyá pasásalamatan ang kanyang kumaring si aling Magda. Nagpaalam siyá't nanaog nang kung may luha man sa mga matá ay puno namán ng kasiyahan ang puso dahil sa náipangakong tulong na gágawin ng kanyang kumari. Si aling Magda'y naiwan sa isáng malalim na pag-iisip.

—Malaking sama palá ang náibunga ng aking pang-uudyók!—ang pagkaraan ng mahabang sandali ay násabi ng ali ni Selina, nagbuntung-hiningáng malalim at nagpakabuti ng paghilig sa kiná-uupáng likmuan. Ipinikit ang mga matá. At, gaya nang sinumáng pinagpúyusán ng damdamin, ay parang náikikita sa kan-



Dalawang Kabutihan



Marieta at Marina Baluyot

Sila ay maliliit, payat at namu-mutla. Nangamba kaming sila'y oaka mamatay. Nangailangan si-la ng pangangalaga at sa simula pinainom namin sila ng D-C Calcium. Sa loob ng tatlong buwan, napagkilalang ang D-C Calcium ay mabisa sa kalusugan kaya't ang kambal ay natatiling malakas at ligtas!

Matapat na sumasainyo,

Rosario Dino Baluyot

(Gng.) Rosario Dino Baluyot
2219 Anacleto, Maynila

D-C CALCIUM

May kasamang
TIKI-TIKI at BAKAL

Ito ang masarap na tonikong nagtataglay ng Bitamina C, Calcium Gluconate, Sucrose, Tiki-Tiki at Bakal. Pinayayaman ang dugo, nagpapalusog, nagiwas at nagpapagaling sa beri-beri, nerbyos, kulang sa pagkain, kulang sa dugo, sakit sa buto at atay at sakit na sanhi ng kakulangan sa sariwang pagkain. Mabuti ukol sa mga inang nagdadalang-tao at nagpapasuso, malakas magpalaki ng mga bata at mahalaga sa mga nagpapalakas na galing sa malaria, disinterya at tisis. Hingin kang malapit sa inyo.

FORMULA: Every liter has Calcium Gluconate, 40 gms.; Sucrose, 300 gms.; Vitamin C, 1.8 gm.; Tiki-Tiki, 48.00 c.c. Iron and Ammonium Citrate, 17.87 gms.

—PAUNAWA—

Ipadala ang inyong TUNAY na karanasan tungkol sa D-C Calcium na kalakip ng isang larawan at etiketa. Ang pinakamabuting nagpapahalang ibang ay magtatamo ng P20.00 na gantiwala.

Lexel Laboratories

1127 Rizal Ave., Manila
Tel. 2-92-31

ANG KAMBAL

(Karugtong ng nasa pah. 33)

namá'y bubulagin ko ang iyong mga matá, pag di mo ako mala-yang pinapasok sa lágusang patungo sa palasyo ni Sinukuan.

Ang tanod na si Bantáy ay nu-no ng katapangan. Isá siyang alagád ni Sinukuan na tapát sa kanyang paglilingkod at masunurin sa kanyang panginoon. Hindi siyá makapapayag na may sinumang makapaglagos sa lágusang patungo sa palasyo ng enkantado. Makalilibong tanghalin siyang bangkáy kaysa máparatangang nagpabaya sa tungkulin.

Nárinig ni Abáng pinagtiim ni Bantáy ang mga ngipin. Nákitá niyang nanginginig sa galit ang malalaking daliri ng higante na handáng lumamukos sa kanyang kaliitan. Umigtád si Abá nang daluhungin ni Bantáy, at sa sang-kisáp-matáy pinawalán ang pala-so sa kanyang pana, na pumako sa isá pang matá ni Bantáy. Naging ganáp na bulág ang higante. Gayunmá'y nagpatuloy sa kanyang pag-aapuhap. Naniniwala si Bantáy na sa sandaling másunggabán niyá si Abá ay ma-áari niyang durugin ang katawát mga buto nito sa kanyang mga palad.

—Magdaraán ka sa akng bangkáy bago makapasok sa lágusang patungo sa palasyo ng aking panginoong si Sinukuan—ang malakás na salitang namutawi sa mga labi ng higanteng ganáp na ang pagkabalag.

Walang taros na iwinasiwas ni Bantáy ang malaking pamalong kanyang hawak, sa pagbabaká-sakaling matamaan ang kanyang katunggali. Subali't si Abá ay malayung-malayo na at mabilis na naglálagos na papasok sa lágusang patungo sa palasyo.

—Huwág kang magtumulin, Abá—ang nárinig niyang tinig na kilaláng-kilalá niyá.—Mapanganib ang mabilis na paglalakád sa lágusang ito.

Nálalaman ni Abá na ang tinig na yao'y sa kanyang iná-inahang lambana, na hanggang sa mga
(Nasa pah. 39 ang karugtong)

ANG TUNAY NA...

(Karugtong ng nasa pah. 19)

sa iyóng waláng isáng babaing pamumugtuán ng matá na gaya ng pamumugto ng mga matá mo ngayón. Hindi mabuting iná ng isáng táhanan yaóng gaya ng kináringán ko ng mga salitang "Papaano liligaya ang aking táhanan kung kamí'y salát sa salapi?" Wala sa salapi ang kali-gayahan, iyá'y nasa mabuting pagsusunuran at tapát na pag-sasama.

—Mabuti ka na paláng lecturer! —ang náitukso tulóy sa akin ni Lumen nang akó'y papanaóg na sa hagdanang ng kaniláng bahay.—#

Ukol sa kasiyahan
ng may-bahay...

CORN STARCH
Marka

TIGER



Napakasarap sa
mga pagkain

ANG MGA MAIDAHAY AY LUBOS NA MATUTULUNGAN SA PAGPAPASARAP SA MGA LINULUTO KAPAG GINAMITAN ITO NG "CORN STARCH" MARKA TIGER. SILA AY MAGIGING LALONG MAHAL SA KANILANG KASAMBAHAY.

Tanging Tagapamahagi

PACIFIC UNION
CORPORATION

133 Z. PALAPAG, GUSALING TRADE & COMMERCE
123 JUAN LUNA, MANILA TEL. 2-6468

Ang mga produktong KILLS'EM ay siyang pinaka-mabuting nagawa para doon sa mga nagnanasang makapagtamo ng mga pinakamabuting bunga!



DDT 10% SPRAY

TAHASANG ITINATAGUBILIN PARA SA PAGPUKSA NG SURROT AT IBA PANG MGA MAPAMINSALANG HAYOP SA MGA DULAAN, OTEL, DORMITORYO, TAHANAN, AT MGA TANGAPAN AT GUSALI.

SA MGA LATANG 1-GALON, 5-GALON, 55-GALON

DDT 5% SPRAY
ROACH SPRAY—

SA MGA LATANG 1 KUWARTILYA, 1-GALON, 5-GALON
MABIBILI NGAYON SA MGA BOTIKA AT MGA TINDAHAN SA TINGIAN

KILLS 'EM CHEMICAL CO., (Phil.) INC.

206 People's Bank Bldg., Dasmariñas, Maynila
"Ang gawa sa Pilipinas, ang nagtatatag ng Pilipinas"

HALUK SA

(Karugtong ng nasa pah. 10)

mapit sa panig ng pader na inig-sawan ng binata.

Nakiramdam siya. Itinatandong niya sa sarili kung nakalayo na si Renato. Nguni't nang makaramdam siya ng kaluskos ng mga dahong tuyo ay tumawag siya sa mababaw na tinig: "Renato!"

—Mang Gilmo!—ang mahina man ay maliwanag niyang narinig.

ANG KAMBAL

(Karugtong ng nasa pah. 37)

sandaling nasabi'y kaakibat niya sa paglakad.

—Mag-ingat ka, aking bunso!—ang ulit pa ng tinig.—Mápapasuung ka sa lalong malaking panganiib na higit pa sa dinaanan ng iyong amáng si Luyong. Si Sinukuan ay isáng nilikháng batbát ng mabibisang agimat. Ang kanyáng mga tanod ay hindi mga dambuhalang katulad ng mga tanod na nákalaban ng iyong amá sa lágusan ng Siyera Madre. Ang kanyáng galing ay nasa mga bagay na mapang-akit na ipakikita sa iyo. Sa lágusang ito'y makakakita ka ng mga hiyas na makagáayuma sa iyong mga paningín, nguni't huwág mong pápan-sinín ni hihipuin. Habang nasa loob ka ng lágusang ito'y huwág kang makikipag-usap kahit na sa lalong magandang dalaga na iyong mámamasid. Isá sa mga pang-akit na ipakikita sa iyo'y ang buháy na katauhan ni Magandá. Sa aba ng iyong kapalaran, kapág nagkámali kang batin si Magandá, pagká't magiging hamak na halamang-bato ka na mawawalán ng lakás at pagmumuni. At ngayo'y áalis na ako. Hindi na kitá maáari pang subaybayan sa landasin mong tátahakin. Malaking kapinsalaan ang sa iyo'y aking magágawa, kung ako'y magpápatuloy ng pag-akibat sa iyong mga layunin. Ang likás kong halimuyak ay hindi maáaring mákalla kay Sinukuan, pag sumama ako sa iyo hanggang sa kalahatjan ng lágusang tinátahák mo ngayon.

At nawala na ang tinig ng lambana.

(Dúrgtungán)



Formula. 10lb Balm, wild Cherry Amchoir AA 250 Gly. Am. 200; Benzoin Acid, Camphor. AA. 2 gm. Flavor & Excip. to make 2.5 li s. Alcohol 3.2%.

—Mga mag! Nangyala ka po sa-
mi!

—Opo! Sinaktán ba kayo?—ang tanong ng nasa kabila ng pader.

—Sinikaran ako!
—Ano po ba ang sadya at napariyán?

—Nagháhanáp ng awto.
—May nákuha po ba?
—Wala!
—Mabuti na lamang at nátago niyo!

—Hindi ko itnago ang mga awto. Kinusang dinalá niá Victor nang umalis. Silá ang nagtago ng mga iyon sa malayong pook niláng nilikasan.

—Ako po'y lálakad na, mang Gilmo!—ang paalam ni Renato.

—Bakit hindi ka pa magpabukas? Baka makásalubong ka ng mga hapon diyán sa dáraanan mo!—ang paalaala ng matanda.

—Bahala na po! Ang kadili-man ng gabi ay makabubuti sa akin, sapagká't malubáy-lubáy ang magkubli kahit saán.

—Ikáw ang bahala! Nguni't kung may kailangan ka ay huwág kang makalilimot sa pagdalaw sa akin.

—Sisikapin ko po! Diyán na kayo.

—Samahan ka ng Diyos!

PAGKAPANGGALING ni Star Palawan at ni Martin sa táhanan ng mga Valdina na talagang kaniláng tutupukin kundi nágibikan ni Victor, ang dalawá'y lubusan nang nagpakálaut-laot sa lalong masamáng pamumuhay. Nakisama na silá sa mga masasamáng-loob na sa hangád mabuhay at makapaghiganti kung magkákaroon ng pagkakátaon ay nakipagkalibigan sa mga pinuno ng mga balitang mambubutang.

Subali't ang itinuturing na magandang kapalarang ito ni Martin ay naragdagan ng isá pa uling kapalarang ipinaging makapangyarihan niya. Isáng gabing may nakatakas na bilango sa isáng gárison ay nagkátaong naglálakád ang mag-amo sa násabing lansangang sinusukat ng maluluwáng na hakbáng ng nakaalpás na bihag. Nakárinig muna ang magpanginoon ng iláng putok. Sumunod ay yabág ng isáng kumákaskás ng takbo.

Hindi nilá tangkang harangin o paslangin ang tumátakbong itong matuling papalapit sa kaniláng kinálalagyán. Subali't sa takot na silá'y máunahan ay tinambangán ng magpanginoon at pagkátapat sa kaniláng madilim na kinálalagyán ay pinagsabayán niláng pinatid. Dapáng-dapa ang kahabág-habág sa bangketang sementado nang kaniláng pagsabayán ding kubabawin at paulanán ng waláng patumanggang suntok.

Lupaypáy at halos waláng malay na ang tao nang dumating ang dalawáng kawal na hapon nagsisihabol.

Kahit hindi nilá máwatasan (Nasa pahina 41 ang karugtong)

